


B. N. C.
FIRENZE
1107
12



1107 12



1107 12

VITA
KYRIACI
STROZAE: AI
Auctior.



PARISIIS,

Ex officina PLANTINIANA.

Apud HADRIANVM PERIER.

M. DC. IV.



КЪ РЯСІ
СТАГОДНІ
ВІД



ПАРІС
БІБЛІОТЕКА
НАЦИОНАЛЬНАЯ
УНИВЕРСИТЕТСКАЯ
И ПУБЛИЧНАЯ
М. Д. С. М.



VITA

KYRIACI STROZAE.

Auctior.



YRIACVS Stroza, Patritius Florentinus, patre Zachariâ Stroza, Matre Mariâ, ex eâdem illustri Strozarum familiâ natus est, anno salutis millesimo quingentesimo quarto, die vigesimâ secundâ mensis Aprilis, in pago paterni hæredij apud oppidum cui nomen Capalle in parœciâ Diui Kyriaci, ad secundum lapidem ab inclytâ vrbe Florentiâ in Herruscis. Staturâ fuit iustâ & in ætate supremâ, corpore macilento, fronte latâ, naso subaquilino, nigris oculis, labris subtilibus, ore ad taciturnitatem composito, barbâ promissâ, nigrâ & canis interpersâ cùm senesceret, parcus illi sermo, sed grauis & eruditus. Primis ætatis suæ temporibus, maximam orbis partem semper inhærens studijs peragrauit. Vxorem numquam duxit, quòd existimaret curam rei vxorię non posse cohære-
re cum vitâ eius, qui seriam philosophandi rationem inire decreuerit, filios tamen naturales iuuenes amisit. Fratres fororêsq; plures habuit, omnes artium liberalium amatores, quorum plerique immaturâ ætate decesserunt præter Franciscum Vtr. Iur. Doct. qui cùm olim Fulginatibus antiquę ciuitatis Italicę populo bis summâ cum laude præfuis-
set, cæteris omnibus ad vltimam senectutem bene beatęque superuixit. Sicuti & illa virgo Laurentia Monialis Dominica-

tiâ ei coniunctus, qui etiamnum interpretarios Florentiæ viros literarum laude censetur, nec non insignis Franciscus Bonamicus Florentinus; Sophiæ studiis vt præclarissimus, ita Sophon maximum præceptorem suum, publicè docens nūquam sine honoris præfatione laudauit. Ad hæc omnis generis disciplinæ peritissimus in primis Philosophiam Peripateticam excoluit, in qua omnibus sui temporis Philosophis præcellens, Nonum & Decimum, Arist. de Rep. libris Græco idiomaticè adiecit, quibus ira mentem, dictionem ac stylum ipse expressit, vt vix vtrumque quis discernere possit: eisdem postea latinè ipse interpretatus est, quos hodie præ manibus in corpore Aristotelis habemus: quin & Federicus Morellus, Professor Regius Luteri, in Gallicum sermonem vertit, additis aliquam multis notis, quod quidem opus nec dum prælo mandatum admirans amicus non ita tamen commendauit vt immune prorsus mendâ iudicaret: dixit enim ipsemet Strozæ, in hoc tantum ab Aristoteleo stylo dissentire quod poëtæ sententijs autoritatibusque nimis abundaret: At subridens Stroza id feci (inquit) vt mei videlicet, non ipsius Aristotelis, haberentur libri. Multa insuper de omni genere philosophiæ conscripsit volumina, vt idem in epistolâ ad Petrum Oricellarium testatur, in qua duos de primâ illâ, quæ cæterarum philosophiarum domina est & Regina philosophia, locos edidit, librisque suis Politicis à se latinè factis adiunxit: est autem prior locus atque adeo caput in libro nono ad Arabum commentationum normam inter textum vndecimum & duodecimum locandum: quod quidem caput, non latini modò omnes interpretes omisere, sed quod longè mirabilius, ipse siue Alexander siue Michaël omisit; Alter præterea in textu trigésimo sexto ad duodecimum eiusdem Philosophiæ, in quo mirabiles ruinas interpretes omnes fecerant, textum ipsum verborum castigatum & expurgatum restituit, latinumque fecit, & vtrumque doctissimè elucidauit. Stromata item Clementis Alexandrini adolescens cum esset primus omnium latinitatē donauit, vt inter alios author est locuples Gesnerus in suâ Bibliothecâ; Extant quoque quatuor illius

siue Orationes siue Introductiones in quatuor Ethicorum Arist. libros, quarum prima est in caput decimum libri tertij de Temperantiâ & eius extremis; secunda in quintum librũ de Iustitiâ & Iure: tertia in octauum de Amicitia: postrema in decimum de Felicitate quę sapientiâ comparatur. Et hæc duntaxat quatuor in manus hominum peruenerunt, ex quarum elegantia & prudentissimo dicendi genere apparet quanta labes literarię rei facta sit, in his quę desiderantur. Pluribus eius monumentis Posteritas frueretur, maximè verò selectis tot problematibus, orationibus, epistolis, quę Græcè scripta omnia, & ad Arist. Ideam expressa teneremus tereremúsque manibus, nisi cùm in extremis esset furto pessimo illi periisset cista, cui præcipuos ingenij fortus commiserat, quos iam affectos publicare in animo habebat, vt ipse confirmat in eâ, quã commemorauimus, epistolâ ad Petrum Oricellarium. Obijt, vt pium decuit, millesimo quingentesimo sexagesimo quinto Pisis, morbo calculi, sexto die Decembris; vnde liquet eum vixisse annos circiter sexaginta tres, totidem quot Aristotelem prædicant. Corpus translatum fuit in ædem eiusdem Diui Kyriaci, vt mandarat. Eius autem statua erecta inuenitur Florentiæ, in æde Diuę Marię nouella, in Sacello gentis Strozic: quam Roscius vnus ex illorum maioribus trecentis abhinc & insuper annis, in æternam sui suorúmque memoriam fundauit. Si quem ingenuus amor tenet plura de hoc viro cognoscendi, consulat Petrum Bembum in Epistolis, Benedictum Varchium in multis eius opusculis, Piccoliminum, & Claudium Tholomeium Senensem vtrumque, Antonium Bargam, Annibalem Carum Equitem, Anonium Palearium, Paulum Minium in Apologiâ Florentinâ, Iacobum Sadoletum, Flaminium Nobiliũ in commentariis ad librũ Arist. primum de ortu & interitu, Petrum Fonsecam in Metaphysicâ Arist. libro nono ac duodecimo, Petrum victorium, Theodorum Zuingerum in Prolegomenis ad Politicam Arist. Petrum Poissoneum Andegauensem Regis Gallicę consiliarium, qui fecit partitiones Philosophiæ ciuilis ad imitationem Aristotelis aut potius ipsius Kyriaci Strozæ in

libris eius Politicis nono & decimo, complures alios qui eius ætate & postea florere clari in omni doctrinâ viri. Hæc veritatis causâ describenda curavit Nobilis ac studiosus Zacharias Montius Mathçi filius & incl'yta memoriz huius Viri ex sorore nepos.

Ἡ φθονερὴ μοῖρα Στροῶν' αἰετὲς, μωρὰ δόκῳ σα
 Σβεσσάει δαμόνιον πᾶμπαν Ἀειστέλη.
 Ἡ μὲροτε δὲ, Στροῶνι δὲ Ἀειστέλῃ γὰρ αἰετὴ
 Καὶ διὰ τῷ Στροῶνι ζῶει Ἀειστέλης.

Idem Latinè.

Invida Mors Strozam rapuit, cum stulta putaret
 Extinxit eximium prorsus Aristotelem.
 Verùm aliter res est, per eum nam Stroza resurgit,
 Per Strozam rursus vivit Aristoteles.



Z 4104 . 12

88 860551





